

Վ. Կ. ԶԱԼՈՅԱՆ

Կյանքի 77-րդ տարում վախճանվեց Հայկական ՍՍՀ ԿԼ թղթակից անդամ, փիլիսոփայության պատմության դիստիպլոմի ճանաչված մասնագետ Վաչագան Կարապետի Զալոյանը:

Վ. Զալոյանը ծնվել է 1905 թ. հունվարի 7-ին Ալեքսանդրապոլ (այժմ Լենինական) քաղա-



քում, բանվորի ընտանիքում: 1926 թ. ավարտելով Երևանի պետական համալսարանը, նա սկսում է դասավանդում է միջնակարգ դպրոցում, իսկ հետո՝ հանրապետության տարբեր բուհերում: Նա որոշ ժամանակ եղել է Հայաստանի պատմության պետական թանգարանի դիրեկտոր: Մինչև գիտահետազոտական աշխատանքի անցնելը՝ 1938 թ., Վ. Զալոյանը սովորել է Մոսկվայի փիլիսոփայության և գրականության ինստիտուտի ասպիրանտուրայում: 1938 թ. նա նվիրվում է հայ փիլիսոփայության պատմության ուսումնասիրության գործին՝ դրանով իսկ հանդես գալով որպես հայագիտության մեջ այդ բնագավառի սկզբնավորող:

40 տարի առաջ, երբ Վ. Զալոյանը առաջինը

ձեռնամուխ եղավ հայ փիլիսոփայության մասնագիտական հետազոտությանը, դեռևս չէր կարելի հիշատակել որևէ աշխատություն, որում թիշ թե շատ հանգամանորեն լուսաբանվեին հայոց անցյալի մտածողների փիլիսոփայական հայացքները: Կարելի է ասել՝ բացարձակապես խռպան էր հայագիտության այդ ասպարեզը: Սկսելով սկզբից, հայ փիլիսոփայական մտքի սկզբնավորումից, նա նախ մենագրություն գրեց V դարի հայ փիլիսոփա Եզնիկ Կողբացու ուսմունքի (1940 թ.), ապա մեծանուն Դավիթ Անհաղթի փիլիսոփայական հայացքների մասին (1946 թ.), իսկ հետագայում, շարունակելով իր հետազոտությունները, առանձին գրքով (1959 թ.) ներկայացրեց հայ փիլիսոփայության պատմությունը նրա սկզբնավորումից սկսած մինչև XVIII դարը ներառյալ, որը 1974 թ. վերահրատարակվեց Մոսկվայում, իսկ 1975 թ. լույս ընծայվեց Երևանում հայերեն լեզվով:

Տարիների համառ աշխատանքով Վ. Զալոյանը պատկանելի ավանդ մուծեց հայ փիլիսոփայության պատմության ուսումնասիրության բնագավառում: Ծնորդիվ նախ և առաջ նրա ջանքերի աշօր արդեն ոչ ոք չի կասկածում, որ գոյություն ունի հայ փիլիսոփայական հարուստ միտք, որն իր պատվավոր տեղն է գրավում հայ մշակույթի դարավոր պատմության մեջ: Այսօր արդեն շատ է առաջադիմել հայ փիլիսոփայության պատմության ուսումնասիրության գործը: Գրվել են բազմաթիվ մենագրություններ՝ նվիրված առանձին հեղինակների, գրվել են ուսումնասիրություններ՝ նվիրված հայ փիլիսոփայության պատմության առանձին փուլերին ու պրոբլեմներին, բայց որքան էլ բազմապատկվեն այդ ասպարեզի նվաճումները, Վ. Զալոյանը սերունդների կողմից միշտ կհիշվի որպես այդ գործի պիոներ, որպես այդ բնագավառի սկզբնավորող ու հիմնադիր:

Լինելով միութենական մասշտաբով ճանաչված մասնագետ, Վ. Զալոյանին է հանձնարարվել գրելու «Փիլիսոփայության պատմություն» և «Փիլիսոփայության պատմությունը ՍՍՀՄ-ում» բազմահատոր կոլեկտիվ աշխատությունների հայ փիլիսոփայությանը վերա-

բերող հիմնական բաժինները, գլուխները: Նա հեղինակ է նաև «Սովետական մեծ հանրագիտարանի», «Փիլիսոփայական հանրագիտարանի» բաղաժամանակ հոդվածների: Գլխավորապես Վ. Չալոյանի միջոցով են հայ փիլիսոփայության պատմության բաղաժամանակ ներկայացուցիչները ճանաչվել միութենական ընթերցողների կողմից:

Վ. Չալոյանը մեկն էր այն հայագետներից, որը կրթութուն կերպով պաշտպանում էր Հայաստանում Վերածնունդի գոյության տեսակետը: Նա այդ պրոբլեմին նվիրել է առանձին ուսումնասիրություն, որը հրատարակվել է և՛ Ռուսերեն (Մոսկվայում 1963-ին), և՛ հայերեն (Երևանում 1964-ին):

Նշվածով, սակայն, չեն սպառվում հայ փիլիսոփայության պատմության ուսումնասիրությանը Վ. Չալոյանի մատուցած ծառայությունները: 1956 թ. նա սովետահայ նշանավոր գիտնական Արշակ Աղամյանի հետ համատեղ հրատարակեց Հովհան Որոտնեցու «Վերլուծության Ստորագրության Արխիտեկտուրա» աշխատության բնագիրը ղուգահեռ ռուսերեն թարգմանությամբ՝ դրանով հիմք դնելով հայ փիլիսոփայական մտքի հուշարձանների հրատարակության մատենաշարին: Նրա ռուսերեն թարգմանությամբ լույս է տեսել նաև Եզնիկ Կողբացու «Եղծ աղանդոց» նշանավոր երկը:

Վ. Չալոյանը, չի սահմանափակվել միայն

հայ փիլիսոփայության պատմության ուսումնասիրությամբ: Նա հետազոտել է նաև Արևելքի և Արևմուտքի փիլիսոփայությունների առնչությունների պրոբլեմը: Նրա «Արևելք-Արևմուտք» աշխատությունը արժանացավ ոչ միայն Սովետական Միության, այլև արտասահմանյան գիտնականների ուշադրությանը. այն երկու անգամ (1968 և 1979 թթ.) հրատարակվել է Մոսկվայում, հրատարակվել է նաև արտասահմանում:

Վ. Չալոյանն անսահման սիրով էր նվիրված իր գործին, աշխատասեր էր, սկզբունքային ու հետևողական: Իր հարուստ գիտական-ստեղծագործական ժառանգությանը ղուգահեռ նա նաև այդ հատկանիշներն է ավանդ թողել իր աշակերտներին ու գործընկերներին:

Հայաստանի կառավարությունը բարձր է գնահատել Վ. Չալոյանի ծառայությունները սովետահայ գիտությանը: Նա պարգևատրվել է «Պատվո Նշան» շքանշանով և մի շարք մեդալներով, նրան շնորհվել են ՀՍՍՀ գիտության վաստակավոր գործչի, ինչպես նաև Մաշտոցի անվան մրցանակի դափնեկրի պատվավոր կոչումները:

Վ. Չալոյանի պայծառ հիշատակը միշտ վառ կմնա նրան ճանաչողների սրտերում և սովետահայ գիտության սրտում: Նա էջերում:

Գ. Հ. ԳՐԻԳՈՐՅԱՆ